

*(25 Julai 1511)*

*Serangan Pertama*

# PORTUGIS VS MELAKA

---



UNIVERSITI  
TEKNOLOGI  
MARA

Institut  
Pemikiran  
dan Kepimpinan  
Melayu

# INGAT- INGAT LUPA #04

---

Kalau roboh Kota Melaka  
Papan di Jawa hamba dirikan  
Kalau sungguh bagai dikata  
Badan dan nyawa hamba berikan ”

*25 Julai 1511*

# PORTUGIS VS MELAKA

550 TAHUN YANG LALU, Portugis melancarkan serangan pertamanya ke atas Melaka. Berita tentang keunggulan Melaka sampai ke pengetahuan Raja Portugal, Manuel I yang kemudian mengutus Diogo Lopes de Sequeira untuk menganalisa potensi dagang di rantau Melayu. Rombongan Portugis sampai ke Melaka pada 1509. Namun kehadiran mereka tidak disenangi komuniti Tamil-Muslim ekoran penjajahan Portugis di India, dengan pengaruh besar dalam kerajaan mereka menggesa Bendahara Tun Mutahir supaya menghapuskan ancaman berbahaya dari Barat itu.



Atas nasihat Bendahara, Sultan Mahmud Syah memerintahkan supaya orang Portugis ditangkap dan kapal mereka di pelabuhan diserang hendap namun dapat ditangkis oleh Sequeira, memaksanya segera berlayar pulang ke India, pangkalan Portugis di Asia. Apabila mendapat berita daripada salah seorang tawanan yang terlepas, Gabenor Portugis India, Alfonso de Albuquerque mempersiapkan sekitar 1,200 tentera dengan berbelas buah kapal berlepas dari Goa menuju ke Melaka.

Setibanya pada 1 Julai 1511, Albuquerque cuba berunding dengan Sultan supaya menyerahkan tawanan Portugis dan kebenaran mendirikan pangkalan di Melaka. Namun Sultan melengahkan rundingan untuk mempersiapkan pertahanan. Sepanjang waktu itu juga, Albuquerque mengumpul maklumat tentang pertahanan dan perkembangan politik dalaman Melaka yang goyah. Selepas berminggu rundingan gagal, pada dinihari 25 Julai,

**Pada 1 Julai 1511, Albuquerque cuba berunding supaya menyerahkan tawanan Portugis dan kebenaran mendirikan pangkalan di Melaka. Namun Sultan melengahkan rundingan untuk mempersiapkan pertahanan ”**

Albuquerque melancarkan serangan. Angkatan Melaka dibantu tentera Jawa dipimpin oleh Sultan Mahmud dan anaknya Raja Ahmad yang menaiki gajah. Berjam-jam bertempur, akhirnya Portugis berjaya menawan jambatan di Kuala Sungai Melaka yang menghubungkan dua bahagian utama kota. Mereka kembali melancarkan serangan yang lebih besar dan tersusun pada 10 Ogos sehingga akhirnya Melaka jatuh ke tangan Portugis pada 24 Ogos 1511.